



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1860

CCXLIV. Marcus Blümeke bekundet einen Vergleich mit der Stadt Königsberg über Loslassung eines seiner wegen Straßenraubes ihm abgefangenen Knechte, am 3. Mai 1436.

Nutzungsbedingungen

[urn:nbn:de:hbz:466:1-55515](https://nbn-resolving.org/urn:nbn:de:hbz:466:1-55515)

CCXLIV. Marcus Blümke bekundet einen Vergleich mit der Stadt Königsberg über Loslassung eines seiner wegen Straßenraubes ihm abgefangenen Knechte, am 3. Mai 1436.

Vor allen cristen luden, dy diszen bryff Seyn edder horen lesen, Bekenne Ik Marcus blümke, dat ik hebbe gereden vt der Stat to koninghbergh mit mynen medehulpern alze mit claus van der born vnde mit illenfelde vnde mit hinrik bülow mynen knechten vt ereme geleyde vnde hebbe beschindet vnde berouet dy jhene, dy vt ereme markede zint gevaren, des zint dy erwerdigen der erbenumten Stad mit den oren my gevolget vnde hebben my aue gegrepen mynen knecht nemeliken hinric bülow vnde hebben den gefettet in ere torne vnde flote. In der schicht zint komen dy erbarn Otto vnde Claus wedderen, geheysten dy van ramyn, wonastich to Swet, vnde ansim blok, erfzeten to boterfelde, vnde hebben zik gearbeidet mit fruntlike beden tusgen deme rade vnde deme erbenumeden hinrik bulow, des het zo dy rath geneyget or erfame gunst to den beden der vorgeschreuen vnde het angefen dinste vnde forderinghe, dy geschin zin van den suluen vnde noch schin mogen, vnde hebben hinrik bülow los gegeuen — zo bescheyden, dat hinrik ergenant alze eyn zakeweldige mit zinen borgen vnde mit zinen frunden geboren vnde vngeboren dar nummer vp to zakende edder des mit arghe to denkende, dat dorch der sake wille geschin is, dar vor wy erbare na geschreuen Otto van ramyn vnde claus van ramyn veddern, huffeten to zwet, ansim block, erfzeten to boterfelde, Merten van Schenk, beseten to hogen kreghenik vnde Marcus blümke, wonastich to blumenfelde, vnde claus van den born, bethekens zone, erfzeten to Steywer, alze truwe borgen alle loue wy mit vnfeme zakeweldigen mit samender hant allent wes vor geruret is stark vnde vaste sunder jennigerleye argelift wol to holdende, dat van den zaken to komen mach. To groter zekericheit vnde mer bekantnisse zo hebbe wy mit wolbord vnde mit ganzer eyndracht zakeweldigen vnde borgen vnser aller Ingefegel laten hengen vor dyssen bryff, Gegeuen to Koninghbergh na cristi gebord Millefimo CCCCXXXVI, Ame dunredage na Johannis euangeliste ante portam.

Nach dem Originale des Königsberger Stadtarchives No. 202.

CCXLV. Jacob Krüger's Stiftung einer Armenspende bei dem Knochenwerke zu Königsberg, vom 25. Januar 1440.

Vor allen Cristin luden, de dessin Briff Sehen Edder horen lesen, Bekennen wy Olde Clawes bozel vnde hans kynt, Meister Drewes schriuer vnde Jurgen Hildebrant, Ouderlude vnde gemeynen guldebrudere des knakenwerckes to koningelberge, openbar vor vns vnde vnser nakomelingin des zeluigin knakenwerkes, dat de Erfamen vnser werckes medebruder vnde Suster alze mit name Olde Jacob Krüger vnde Tilfze, syne elike huffrouwe, gefundes lyues mit wol vorbedachtin mude vnde mit willen vnde vulbort ores Sonfz Junghe Jacob Kru-